

Ove Nei John Mi Gaisira

¹Naso otao Gaius dubo be budo ena iso yei na Iesu gebe ari embobo da gitijigari mi ove eiawa jivena.

²Naso dubo bari otao na gosena iso asisi awa ewamei da atira awarate imo karu eosase edo gogo edo atasase sedo na God mi imo kondade arase sedo gosena. ³Edo na iaviri ena ainda be awa nanonamendi nenei mi na esega ise setero gosana imo God da gebe moka da jigido gogo ise edo God da emboro gebe da pepeta esa awa. ⁴Edo na naso kinapeina awa God da emboro gebe da pepeta edo era awa ingena awasedo na iji berari iaviri ena. Edo iaviri ari nei kumbadena amimi iaviri ari ingoda atari ewamei mi etiri kumbutana awa mana derigadira.

GAIUS EMBO NENEI KONDADE ISIRA

⁵Naso otao ewamei imo nanonamendi pepeta ise God da ge atopatido era awa kondade ari buro edo esa amone ewamei edo esa. Edo imo namendi imo gae awa kondade edo esa. ⁶Edo ungo ainda bugudo Iesu gebe ari embobo da jo da iso jawo awa jasiga edo era ainda be awa buro inemi esa awasedo. Edo emboro rawodo da aso God iaviri arase sedo awa ungodu yei kando itido edo kondade eio ungodu pepeta awa ore. ⁷Awasedo ungo Iesu Keriso da jawo Iesu Keriso da jawo da embo Iesu gebe ae edo era embobo ainda kando awa kumbae edo era. ⁸Awasedo ingodena Iesu gebe ari embobo mi ingode ungo kondade ore Keriso da buro awa orase sedo ingode ungodu yei kando itore.

DIOTROPHES DE DEMETRIUS DE DA GE

⁹Na ove tupo Iesu gebe ari embobo da yei jjutana te Diotrophes umu iji berari ungodu gitijigari adi dipapa edo ira amimi na ro sena awa ingae ira. ¹⁰Awasedo na iso yei bugadena iji ainde embo berari da yei umu ro edo ira awa sano gadera. Edo nanemi sano gadera umu ingodenaso jawo da ge bebegae sedo ira edo ge buseso ira awa sano gadera. Edo umu da awodo ira te daedo nanonamendi umu esega edo era awa atega ae edo ira. Edo daedo embo nenonamendi atega adi dipapa edo era awa unemi emboro gajedo ira. Edo emboro gajise edo umu ungo ondari Iesu gebe ari embobo awa dodo mamborase edo ira.

¹¹Edo naso otao embo wasiri bebegae edo era awawa ambo ambo eose ta embo wasiri ewagaewa iji berari edo era awa ambo ambo eio. Edo embo ave wasiri ewamei edo ira awa God da topo ra awarate embo ave wasiri bebegae edo ira embo awa umo God gaera.

¹²Edo embo berari mi sera Demetrius awa embo ewamei na. Edo umo ari ewagaewa ira amimi isaga ira awa umo embo ewamei na. Edo nango daedo sedo era umo embo ewamei na. Edo imo gosesa nango gebe sedo era.

GE SANGOVE

¹³Na ge jiwae ingoda yei sari dipapa ena te na ge awawa ove einda jo da gaiari ujo ae ena. ¹⁴Edo iji tupo na bugudo imo gari dipapa ena edo iji ainde dombu mina gara ise ge mina sara sadera.

¹⁵Edo jo jamo jamo iso yei matawa atare.

Edo iso otatao berari mi imo ategurera. Edo imo de daedo ingodenaso otatao berari ategeio.

Awara
Iso namendi
Iesu Keriso da jawo da
John